

НАРШАХИЙНИНГ “БУХОРО ТАРИХИ” АСАРИДА ЗИЁРАТ АНЬАНАСИ МАСАЛАЛАРИ

Шавкат Бобоҷонов

Осиё ҳалқаро университети
доценти вазифасини бажарувчи,
тарих фанлари бўйича фалсафа доктори (PhD)
<https://doi.org/10.5281/zenodo.10535936>

Аннотация. Мақолада *X* асрнинг муҳим тарихий манбаларидан бири – Наршахийнинг “Бухоро тарихи” асаридаги воҳа аҳолисининг зиёрат анъанаси, диний эътиқодий қарашлари, зиёратгоҳлари, уларнинг жойлашган ўрни, хусусиятлари ўрганилиб, илмий таҳлил этилган.

Калим сўзлар: зиёрат, Афросиёб, Сиёвуш культи, Валий, дарвозаи гўриён, оташпарастлар ийғиси, қозон тўлди, гўянда, ҳожатбарор.

ISSUES OF PILGRIMAGE TRADITION IN NARSHAHIIY'S WORK "THE HISTORY OF BUKHARA"

Abstract. The article explores and scientifically analyzes such issues as the tradition of pilgrimage, religious beliefs, shrines, their location, characteristics of the inhabitants of the Bukhara oasis, which are mentioned in one of the important historical sources of the 10th century - Narshakhi "History of Bukhara".

Keywords: Afrosiyab, cult of Siovush, Valiy, Gurien gate, call of fire worshipers, "kozon tului" (Uzb), guyanda (taj), khojatbaror (taj).

ТРАДИЦИОННЫЕ ВОПРОСЫ ПАЛОМНИЧЕСТВА В ИСТОРИИ НАРШАХИЙНИНГА БУХОРЫ

Аннотация. В статье, исследуются и научно анализируются такие вопросы, как традиция паломничества, религиозные воззрения, святыни, их местонахождение, характеристика жителей Бухарского оазиса, которые были упомянуты в одном из важных исторических источников X века - «Истории Бухары» Наршакхи.

Ключевые слова: паломничество, Афросияб, культ Сиавуш, Валий, ворота Гуриен, клич огнепоклонников, "козон тулди"(узб), гуянда(тадж), ҳожатбарор(тадж).

Маълумки, Бухоро қадимдан муқаддас ва муборак маскан, зиёрат шаҳри бўлиб келган. Сабаби тупроғида минглаб авлиё, уламо, шайх, зоҳид, эшони, имомлар дағн этилган. Қадим воҳанинг зиёратгоҳлари ва қадамжолари ҳақида кўплаб тарихий манбаларда маълумотлар келтирилган. Шундай асарлардан бири Мухаммад Жаъфар ан-Наршахийнинг Тарихи Бухоро (“Бухоро тарихи”) асаридир. Асарда воҳа тарихи ва маданиятининг турли масалалари билан бирга, зиёрат анъанасига ҳам алоҳида тўхталиб ўтилган. “Бухоронинг турли номлари баёни” номли асарнинг еттинчи қисмида шаҳарнинг нега зиёрат юрти эканлиги баён этилган.

Бухоро шаҳрини қиёмат куни ёқут ва маржон билан зийнатлаб келтирадилар, улардан нур чиқиб туради. Шаҳар теварагида фаришталар кўп бўлиб, улар тасбих, ҳамд ва такбир айтадилар. Келинни қуёв уйига олиб боргандек, шаҳарни эъзоз ва икром билан машҳаргоҳга олиб келадилар. Бухоро шаҳрида етмиш минг байроқ, ҳар бир байроқ тагида

етиш минг шаҳид ётган бўлади. Қиёмат куни шаҳарнинг ҳар тарафи: ўнг ва сўли, олди ва орқаси ўн кўнлик йўл бўлиб, буларнинг ҳаммасида шаҳидлар туради¹.

Бухорода қишлоқлар сони жуда кўп бўлиб, асарнинг “Бухоро ва унга қўшиладиган жойлар” қисмида муаллиф машҳурроқ ва қадимирироқ бўлган бир нечтасини санаб ўтади. Улар орасида аҳоли муқаддас деб ҳисоблаган ва зиёратига борадиган кўплаб қишлоқлар бўлган. Шулардан бири Нур бўлиб, Бухоро ва бошқа жойларнинг одамлари ҳар йили зиёрат учун у ерга борадилар. Бухороликлар бу жой зиёратини ўта муқаддаслаштириб юборганлар. Яъни Нур (Нурота – Ш.Б.)² зиёратига борган киши ҳаж қилганнинг фазилатига эга бўлади. Бу Нурни бошқа вилоятларда Нури Бухоро деб атайдилар. Тобеинлар³дан кўп кишилар у ерга дағн этилганлар⁴.

Шарғ қишлоғи тавсифини келтирав экан муаллиф, подшоҳлар дағн этилган жой номларини санаб ўтади. Лақаби Кулортегия бўлган амир Тўғрулбек Бухоро шаҳрида “Жўбайи баққолон” - Баққоллик бозори (гўшт сотувчилар – Ш.Б.) яқинида мадраса бино қиласи. Мазкур мадраса Кулортегия мадрасаси дея атала бошланади. Амир айни шу мадрасада дағн этилган⁵. Қадими қишлоқлардан дуо қабул бўладиган жой сифатида Афшина (ҳозирги Афшона)⁶ қишлоғи қўрсатилган. Одамлар шаҳардан у жойга борганлар ва табаррук ҳисоблаганлар⁷.

“Тарихи Бухоро” асарида Туронзамин ҳукмдори Афросиёб (Алп Эр Тўнга) ва Эрон шахзодаси Сиёвушларнинг қабрлари ва уларнинг зиёрати ҳақида ҳам маълумотлар келтирилади. Афросиёбнинг гўри (қабри – Ш.Б.) шаҳарнинг Маъбад дарвозаси⁸да Хожа имом Абу Ҳафс Кабир тепалигига туташган тепалик устидадир⁹. Аввало асарда зикр қилинган ушбу тепалик ҳақида тўхталсак. Халқ томонидан муқаддас жой деб қабул қилинган тепаликда фикҳ илми асосчиларидан бири, Ханафия мазхаби тарғиботчиси, Имом Бухорийнинг устози Абу Ҳафс Кабир Бухорий (IX аср) дағн этилган. Ҳазрати Имом, Ҳожатбарор (ҳожатларни чиқарувчи) мартабаларига эга аллома аҳолини тўғри йўлга бошлаб, оташпарастлик, бутпарастликдан ҳақ дин исломга киришида жонбозлик қўрсатган. Бухоро халқи шайхдан нажот топганлиги учун кейинчалик у дағн этилган жой “Ҳакроҳ” – “ҳақ йўли”, “ҳақиқат йўли” деб атала бошланган.

“Бухоро тарихи” асарининг “Бухоро Аркининг бино этилиши ҳақида” номли қисмида Сиёвуш қабри ва уни зиёрат қилиш қилингани боғлиқ масалалар баён қилинган. Сиёвуш ҳисор пойдеворини чўмич юлдузи туркумида қурганлиги, қўзғалмас оғир ҳарсангошларни ўзи қўттарганлиги таъкидланган. Сиёвушнинг мартабаси ошиб кетганлигини қўролмаган кимсалар Афросиёб билан орасига совуқчилик туширишади. Натижада, Афросиёб Сиёвушни ўзи қурдирган ҳисорининг остонасига ўлдиради. Уни

¹ Наршахий М. Бухоро тарихи. – Тошкент: Шарқ баёзи, 1993. – В. 27.

² Нурота зиёратгоҳи ҳозирда Навоий вилоятининг Нурота туманида жойлашган.

³ Пайғамбар Муҳаммад (с.а.в)ни ўз кўзи билан қўрган саҳобаларни қўрган кишилар.

⁴ Наршахий М. Бухоро тарихи. – Тошкент: Шарқ баёзи, 1993. – В. 20.

⁵ Наршахий М. Бухоро тарихи... – В.22.

⁶ Афшона – Бухоро шаҳридан 30 км шимоли шарқда, Пешкў туманида жойлашган.

⁷ Наршахий М. Бухоро тарихи... – В.23.

⁸ Маъбад дарвозаси Бухоронинг дастлабки етти дарвозасидан бири. Араблар келгандан кейин дарвозалар номлари ўзгартирилган. Ушбу дарвоза Нав, кейинчалик Ҳазрати Имом номлари билан аталган.

⁹ Наршахий М. Бухоро тарихи... – В.24.

Хисорнинг шарқий дарвозадан кираверишда “Дарвозаи ғуриён” деб аталган сомонфурушлар дарвозасининг ичкарисига дағн этганлар. Ҳисорнинг икки дарвозаси бўлиб, ғарбий томондагиси “Дари Регистон”, шарқий томондагиси “Дари гўриён” деб номланган¹⁰. Ҳозирда сақланмаган шарқий дарваза ўз даврида “Дари алаффурушон”, “Дари алаф”, “Дари сомонфурушон”, “Дари коҳфурушон”, “Дари Сиёвуш” номлари билан ҳам аталган¹¹. Бухоро оташпарамалари ўша жойни азиз тутадилар ва унга атаб ҳар бир эркак киши ҳар йили наврӯз куни қуёш чиқишидан олдин ўша жойда биттадан хўрот сўяди¹². Бу одат ҳозирда бироз ўзгартирилган ҳолатда сақланиб қолган. Наврӯзда ҳар бир бухоролик биттадан товуқ ёки хўрот қурбонлик қилиб, уни паловнинг тагига ётқизганлар.

Бухороликлар буни “Қозон тўлди” деб аташган. 1940 йилгача мазкур одат воҳа аҳолиси орасида кенг тарқалган¹³. Одатни айрим бухороликларгина давом эттираётганини кўриш мумкин.

Бухоро аҳолисининг Сиёвушнинг ўлдирилишига бағишлиб айтган марсиялари бўлиб, у барча вилояларга машхурдир. Куйчилар унга мослаб куй тузганлар ва қўшиқ қилиб айтадилар. Қўшиқчилар уни “оташпарамалар йифиси” дейдилар¹⁴. Шунингдек куйчилар бу қўшиқларни “Кини Сиёвуш” – “Сиёвуш жангига” деб атайдилар¹⁵. Наршахий бу гаплар бўлганига ҳозир уч минг йилдан ортиқроқ вақт ўтган деб хотирлайди. Сиёвуш марсияларининг қолдиги сифатида ҳозир ҳам вафот этганларнинг яхши ишларини эслаш учун маҳсус тайёргарликка эга бўлган оймуллолар чақирилиб, марсия айтиш одати сақланиб қолган. Бундай кишиларни Бухорода гўянда деб ҳам атайдилар¹⁶.

Ҳозирда Сиёвушнинг қабри сақланиб қолинмаган бўлсада, лекин Арк долонида қадимда аҳоли Сиёвуш валининг ҳурмати учун шам ёқадиган девор токчаси, яъни қадамжоси сақланиб қолган¹⁷. Тарихий даврларда Сиёвуш қабри жойлашган шарқий дарваза бир томондан ижтимоий-иктисодий аҳамият касб этса, иккинчи томондан, қадамжо сифатида аҳолининг маънавий эътиборида бўлган¹⁸. Бухоро мажусийлари Сиёвушга муқаддас шахс сифатида эътиқод қилганлар. Ислом дини Бухорога кириб келгандан кейин ҳам, гарчи Ислом динида мажусийлар қабрига сажда қилиш бидъат ҳисоблансада ҳам, маҳаллий халқлар, айниқса, Бухоро, Хоразм, Самарқанд халқлари Сиёвушни ноҳақ шаҳид бўлганлар қаторига киритиб, унинг қабрини зиёратгоҳга айлантирганлар, ҳатто унга

¹⁰ Наршахий М. Бухоро тарихи... – В.29.

¹¹ Йўлдошев Н. Сиёвуш қабри. У Бухоро Аркининг қайси бир дарвозаси якинида жойлашган // Бухоро ҳақиқати. 1997 йил 21 май.

¹² Наршахий М. Бухоро тарихи... – В.28.

¹³ Йўлдошев Н. Бухорода айрим авлиёлар тарихи. – Бухоро: Бухоро, 1993. – Б.15.

¹⁴ Наршахий М. Бухоро тарихи... – В.28.

¹⁵ Наршахий М. Бухоро тарихи... – В.24.

¹⁶ Йўлдошев Н. Бухорода айрим авлиёлар тарихи... – Б.15.

¹⁷ Бобоҷонов Ш. Бухоро воҳасида зиёрат сайёҳлигининг ривожланиши хусусиятлари (антропологик тадқиқот): тарих фанлари бўйича фалсафа доктори (PhD) илмий даражасини олиш учун ёзилган дисс. – Тошкент, 2023. – Б.84.

¹⁸ Жўраева. Н. Муқаддас қадамжолар – Бухоро шаҳри тарихий топографиясининг муҳим таркибий қисми: тарих фанлари бўйича фалсафа доктори (PhD) илмий даражасини олиш учун ёзилган дисс. – Бухоро, 2023. – Б.21.

“Валий” (мададкор, муқаддас шахс) лақабини берганлар. Аркни бино қилған киши сифатида эъзозлаганлар¹⁹.

Сиёвушни Валини зиёрат қилиш XX аср бошларига қадар давом этган.

Ҳозирги кунда нафақат Бухорода, бакли бошқа воҳаларда ҳам, хусусан, Хоразм воҳаси аҳолиси ўртасидаги муқаддас жойлар билан боғлиқ қарашларда исломдан аввалги диний эътиқолар қолдиқлари сақланиб қолган. Сиёвуш культига ҳақиқат ва адолат йўлида жасорат кўрсатувчи баҳодир сифатида қаралади²⁰.

Умуман, асарда зиёрат масаласида келтирилган маълумотлар ислом динидан олдинги ва кейинги даврларда аҳолининг эътиқодий қарашлари, зиёрат анъаналари, ўтказадиган маросимлари, даврлар ўтиши натижасида ундаги ўзгаришларни билиш имконини беради.

¹⁹ Йўлдошев Н. Бухоро авлиёларининг тарихи. – Бухоро: Бухоро, 1997. – Б. 11.

²⁰ Абидова З. Хоразм воҳаси зиёратгоҳлари ва қадамжолари (тарихий этнологик тадқиқот): тарих фанлари бўйича фалсафа доктори дисс. – Тошкент, 2018. – Б.65.